

道法會元卷之八十五

麻三

道法會元卷之八十五

麋三

先天雷晶隱書

先天一炁論

性命者一炁之本首章言之有天地之性有
氣質之性人之一身性命存焉所以性根命
蒂分乎先天後天性係生門寄體於心自然
之道即先天也命係腎寄體於脾即後天也
生門者小孩腦門未合所以由係故育胎一
月二月三月寃命元長靈明仙之炁猶秉先
天四月寃命元礪尸冥演由之炁後天也人

之一炁由父母交感未生時宿秉天地之炁
在母腹中子腹帶與母臍帶相連母呼亦呼
母吸亦吸人生之時剪斷臍帶各自呼吸一
呼吸間係乎性根命蒂祖處一寸二分其硬
如鐵其軟如綿前對臍後對腎周圍六合六

麻三

竅上下兩孔以應乾坤是故乾坤生六子有
此一念之主萬法矣乃謂先天之母炁上通
泥丸下徹湧泉散則八萬四千毫毛筋骨靡
所不至吁人自不能尊其炁貴其形實其命
愛其神自取死壞離其本真耳丹經云精生

有時時至神至百刻之中切忌昏迷天地之
母炁既生則人身之炁以類感類亦自湧泉
發生上升丹田默化炁以成人身之造化故
曰形者神氣之舍也神者形炁之主形炁非
神塊然一物烏乎靈神非形炁茫无歸宿烏

乎寄神性命也二者不可偏廢也修性而不
修命紫陽所謂精神屬陰宅舍難固未免長
用遷移之法修命而不修性釋氏所謂鍊氣
精粹壽千萬歲若不明正覺三昧報盡還來
散入諸趣所以先儒謂論性不論氣氣不備

論氣不論性性不明且傍門末學未修此論
所以印令滿匣銜職成行泥於紙筆苦於符
章剔斗步罡左存右想贅於祝讚妄以音聲
僭於叱咤以自然一炁之道為率略以覩縷
之用為精加此與道無緣盲然之學不過一

卷三

二

愚士匹夫耳安可以道而責哉嗟夫有此一
炁則雷霆晴雨生煞變通由我之一念耳得
此豈非百世之幸凡目此為常文輕泄漏慢
妄示非人泄天之機不自尊貴者豈特身墮
地獄而禍及七祖則受天之譴者豈虛云哉

其先天天性之炁口傳心受幸毋忽諸

先天之炁

收為胎息用為竅

道法之中最大要


諸子緣深宿有因

得之依然自癡笑

心力因

非符非呪非訣

默中喝



火自浮

將自合

我稟陰陽二炁出則轟天震地收歸山嶽崩
摧散去邪精粉碎

法中之要非專於符非泥於呪以我之炁合
彼之炁以我之靈合彼之靈此之謂也天之
斗天也非我之斗也地之斗地也非我之斗

庚三

也然罡乃斗之煞在於尾以天地之斗隨月
而轉罡亦如是然我之斗我之罡我之煞在
於何也須明我之斗我之罡我之煞無所不
驗無所不通也

精液論

腎者引也生金之本性命之根有竅通於舌
下常生神水左曰金精右曰玉液若能嚥漱
下灌丹田丹田既滿流傳骨髓骨髓既滿流
傳血脉血脉既滿上朝泥丸返歸於腎如日
月循環號一珠此乃歸道水府求玄也

雷府六事

真符

用符不用正相宜不用符時却又非符爲信
合名爲用妙用靈光始是奇

虛靖天師云世人錯認墨和朱一點靈光

便是符莫問靈不靈莫問驗不驗信筆掃
將去莫起絲毫念

真呪

千呪何如一點虛念中無念妙中居登壇號
召爲行用呪乃名爲祝將書

三將無過精氣神行行坐坐甚分明試將斗
柄輕輕撥談笑風雷頃刻興

靜定工夫可坐致雷雨默召雷神

真炁

祖炁玄關玄最靈得師指授甚分明石中隱

玉身藏寶元精元炁與元神

乃先天一炁不壞元神即使者斡旋造化之道也

真正

世人不識此真正堅志凝神奮迅彰驅神役

廣三

四

鬼由他主妙用全憑大法王

真訣

訣者全憑慧劍施斷除六賊斬三尸驅除邪念行符訣決烈行持合聖機

全在志氣无移勇猛決斷撒手行持

真機

將用元神幾箇知躬行實踐好施爲有能通
得寂中感變化通靈只片時
全在一炁流通一字機關之發矣

氣候

三光雲氣合真機要識陰陽有盛衰紫白黑
青爲雨兆赤紅風旱莫施爲兌乾斗電雷施
令雨師掛榜日邊隨山青草露石礎潤身汗
神昏體似癡

坐功內運

入靖趺坐一念莫起少時靜中忽動急變存
為神霄真王存變已定平心寧息萬緣俱寂
心火炎腎水湧各順其性如此則一身之氣
氤氳純至萬神森伏一點不動至此則一身
之氣既已結定然後升降駢駁水火激搏交

原三

五

射鬱勃轟然有聲凝結一團金光騰騰直上
却以誦字送入膽宮嘯上金光一炁于前金
字誦往巽方急以劍訣劈巽金光射開地戶
迸裂中有一神如燄火湧出却以左手雷局
一照引出自巽度乾以局制住便吸入膽誦

入壇中書符入符役使如意不過以神合神
以炁合炁而已

行持訣

鴉呵呬三箇號頭四箇帝諱九字靈章風
雨立至汝若有緣堪爲濟世

內祕用法

蒸山煮海

先呼心火煮腎水似有似無之間腹中熱惱
即是煮海已沸次吸腎水入頂蒸山須臾頭
額冷汗即是蒸山動矣

鞭龍掛斗

每夜鞭龍必望北海海門運斗一座默召使者一聲雷送使者下海鞭龍即自己腎海合外北海玄奧載大造機要直至龍光電動方止如不動似前又鞭須要電光掣到斗口中

天來日方可登壇不然則無雷

君臣朝謁

祖炁爲君五臟是臣肝屬木運動肝上青炁成一雷神木生火運心上紅炁成一雷神火生土運脾上黃炁成一雷神土生金運肺上

白炁成一雷神金生水運腎上黑炁成一雷
神五雷圍繞丹田存使者自丹田歷於玄竅
而出統領五雷烈烈轟轟破頂而出與空中
雷神混合為一

母子交姤

摩三

六

火為木之子心屬之水為木之母腎屬之凡
運用須先吸起腎水上升泥丸自仙橋而下
引華池神水洒落心火次呼心火下降與腎
水俱入祖宮交姤結成嬰兒上朝帝境凡所
行持須是升降方可如上運用不過恍惚而

已不可執於有爲不可迷於存想息往息來
強之則急縱之則失如此行持萬無一失

祈雨訣法

建壇召將發檄立限某日時報應臨限登壇
召雷焚符檄催併次入室室端中大坐握固
平定身心調息聚炁斂念凝神覺吾身充塞
天地兩腎中一炁氤氳而起地炁上騰天炁
下降盤結如雲霧閉塞宇宙待身中汗出口
中津滿却以號音提起作捨聲念一秤金如
前法擊搏如雷聲運動霹靂喧轟駢駁而出

想風雲慶會彌滿六合雷雨大作如未臨限
及臨限未應必須再作要報應方止候風生
雲合雷動雨降徐徐出定入壇號召焚符下
今如意行持所謂踏翻斗柄天昏黑倒瀉黃
河水逆流

大造機要

運尾間下九節衝起九道黑炁上夾脊至泥
丸盤遶八十一次運得頂門如火熱却引下
華池引液入玄關之中即閉息片餉存黑炁
包裹一點真明至精想一身皆陰黑炁充滿

就運黑炁混合五行之炁皆爲黑雲內有風
雷鼓舞五臟皆爲黑炁自腎宮衝上心宮與
心赤炁交姤如日月交激之狀恍然成一黑
砲墜下激起海水濤波洶湧雷電交轟驚起
海中千龍萬虬五行正炁化爲五雷鞭役海
中諸龍乘黑炁爲雲從雙關升泥丸宮出存
諸雷神龍雨部衆鼓舞風霆黑炁爲雲充滿
天地彌滿六合雷電交作霖雨如傾即出祖
炁金光照耀三界光中恍有火師怒容仗劍
在圓光中號令策役雷神行風布雲轟雷降

雨使者爲首承令統領諸司內外九宮二垣
雷官交掣四面黑雲翳鬱風雲雷電擁從主
帥行雲降雨此訣須要定心運用得真覺自
身如冰冷即陰升陽降黑炁混混充塞天地
如此既了然後下座催告師帥立俟報應

又法

萬法千門功歸一揆要知天地之機關不離
乎人之所爲叱咤風雨馘杜妖魔用無不應
乃神將之爲我我之爲神將終身行之何必
他求所謂天發殺機移星易宿地發殺機龍

蛇起陸人發殺機天地反覆是雷霆之要道也若不幹運陰陽轉天樞跡地機不知玄關之要則所運非行用之根蒂也輕空則有風無雨熱無燥則無風有雨氣奔喘而急則有雷心驚懾而耳鳴則霹靂殺伐凡動雷之法

摩三

須要道中玄妙陰陽相生五行相尅而為雷運至中宮刻應聚會混成一炁却以嚙字提起囟字放出口為風雨耳為雷鼻為雲目為電交轟打入符中駢馭二字作聲入符霹靂震動風雷大作其於煞伐則役天上之罡星

運身中之殺炁，弄人間之虎射雷，霆之震發矣。臨上壇，未能應口，但凝神駢馭，作騰湧至舌端，嚼教百雜碎，望空嚙去。五事至矣，仍以金書金字，擊往巽方，則號令相應，至祕至玄。萬金不度，得者珍之。切宜暇日勤而行之，久久純熟，自然通神。一旦行持，立彰昭報。

團聚風雲掩閉陽光

以淨水一盆，置於壇上，用筆蘸濃墨於水中，先書太陽三諱，次書太陰三諱，蓋次天罡衝，胆胸炁，仍叱咤雷神，轄起雷吏，及川源潭洞。

溪谷龍雷衝乾破巽撞陽激陰隨意祝用且
要閉已日月運華池水洒落心火但用澄心
定意如此決應

蔽日

書符一道對太陽焚之喫去存太陽中有三

庚三

九

使者立其中塞離成乾展兩翅蔽日充塞天
地

蔽月

書符一道對太陰焚之喫去存月中有三使
者立其中塞坎成乾展開兩翅飛雲擁霧

止風

書符向風來方焚之以水噀去存風雷有此
三使者立其中塞巽成乾截斷風路靜念收
之

回風

書符且如南方風來向南焚符以水噀去存
使者立南三卦中立塞巽成乾回身向北以
眼光書坤號沖塞北金光洞煥高聲唱使者
張珏回風使者見號自南而北風亦從此轉
矣

動掌心雷

靜默調息至耳不聞呼吸之聲一炁順逆默
念天母心呪各一徧捨聲逼炁念一秤金九
徧左局當曾一拍以號字提起因字取出於
左手心右手劍訣虛書捨字押發使者見字
駢駁一聲却念奉

唵嘛哩嗟吽娑訶敕使者速發聲以右手急
擦掌心號念運雷呪三十六徧削號入震宮
就取金炁衝動又念逆順心呪各二徧一秤
金一十五徧提起號字取出訶字於掌心虛

書鎖字押發使者見字駢馭一聲却念奉

雷祖大帝律令敕使者速發聲以右手局擦

掌心號念運雷呪四十九徧削號入震宮仍

取鬼炁尅發必震動又念順逆心呪各三徧

一炁章二十一遍提起千斤索放開玉鎖匙

庚三

右劔於掌心虛書天元九鬼押發使者見字

駢馭一聲却念奉

玉皇上帝律令敕尖嘴速發聲汝若不聲罵

汝公祖點顛頊昌意齋齋○

下一字口受

赤鴉呪

赤鴉赤鴉風火之車雷中烏鬼雲外夜叉受
命赫沖稟性丹霞吾令召汝呼風啞吡啞啞
啞啞啞啞啞啞呀呀呀呀喙喙喙疾速報
應一如子華奉
火師汪真君律令

龍以天目舌尖同劍訣虛書此號布壇再用
法母誑公次以右手掌心急擦左掌心號怒
炁念運雷呪八十一遍削號入雷次以肝肺
二炁合發大怒大震無不震懾至此必須急
用四字秘諱照之否則壇上人不敢企立

此之一法至祕至玄世所罕見若非金公
得傳神仙之奧則後必泯絕豈能致是哉
然金公至喻之時以青天風雲掌心雷雨
為相見之儀自此廣傳弟子然人皆但得
一千銅錢之法此祕並未付他人止與吾

海三

十一

師無為長老同氣故盤桓於山間日久遂
盡得其不傳之祕今霧天假因緣得其密
受祝之再三幸勿輕泄今切恐其久而忘
失又慮後學無傳故筆之於書備載口授
心傳之玄而附于內秘之末以授弟子以

續遺派宜珍龍之幸勿日以尋常之法秘
之秘之輕泄漏慢豈特身墮地獄而禍及
七祖翁則天之譴者必然也鐵心道人白

天母默朝急告

凡祛雷祈禱殺伐禳星避難釋冤憎救死亡
無施不可務在專心致意依法奏告有求必
應蓋

天母誓願救苦護生凡行持入靜室焚香凝
神歛念專精依式親書心章一道不令人見
書畢安置壇上供養入夕二更時分層臺望

北斗上層列燈香水下層水一盆法師三淨
持心呪燃上層斗燈存空中金光一團燦然
在斗口即存光中有一天宮瑤光玉書之扁
曰一炁梵天宮宮內有天母在焉外有一宮
扁曰璇極應靈宮在梵天宮之左宮內復有
九宮中則尊帝二星居之九宮九皇所居各
有官曹出立門下金光朗煥如此分明即對
梵天宮禮念聖號

天母聖號

志心朝禮一炁梵天三光聖母駕遊日月二

宮前敕賜雷霆大法主威光赫奕妙相圓明
接引群生超離諸苦大悲大願大聖大慈北
陰乾元聖母日月登明慶華紫光聖德天后
救苦護生摩利支天大聖

如上禮念不計遍數存對聖駕儼然威光

摩利三

十二

烜赫火焰飛騰致敬啓云

恭惟大聖大慈超生死事不干之地至靈至
聖乃鬼神窺不破之機稱贊無窮皈依莫盡
惟願神通加護力千災萬罪悉消除有求隨

感度群生早契真常明本性臣僭屈聖君自

知多矣下情上達敢進誓言急告心章謹當
化奏

以章於香爐中焚默召使者存使者自天
母前飛下至祝所齎章奏存使者接章上
天母前投進使者拱立聽候旨兆面奏祝

云

寶章化奏意已盡於再三璇極垂光顏不違
於咫尺即當面奏竚俟感通

師起身投水符步斗罡三台坐中台上結
跏趺坐兩手相叉拍玉文舌拄上腭攪華

池水滿咽下丹田五氣圍繞玉室靈光轉
旋不已結作嬰兒居中形體具足存身在
青黃紅三色雲內震動八門衝破泥丸而
出珠懸於頂嬰兒自珠口中出乘金光一
道爲雲直至梵天宮門下使者見兆至出

卷三

十三

迎引兆直至天母前心三拜長跪奏云

臣以凡愚叨行大法蒙師口授凡有禱祈謹

遵元誓拜進心章急告宸慈希求報應臣今

據述心章意除已飛章上奏外臣今躬詣道

前口奏前因祈頌恩命差降法中使者張珏

副帥張雲張亞統領雷霆一府二院三司官

將五方雷部威神一合下赴行壇祈雨即便

蒸山奠海捲水鞭龍定限某日某時押起九

州分野之內山川潭洞一切雨壇社令會合

天神龍水社五部雷神掣電轟雷興雲吐霧

大施甘雨以濟焦枯祈晴即便停止風雨掃

除陰翳開大宇之浮雲現一輪之紅日祈雪

即便交結六陰運行元炁揚花散瑞剪玉飛

瓊滅六種之蝗胎豐五明之穀粟下臨生品

上佐朝綱殺伐即便昭明天律召降雷霆定

限某日某時押起五方社令蠻雷當境城隍
十廟英烈神祇里域主者嚴行號令明正典
刑震霹靂之飛章馘兇頑之魔黨靈威滅爽
太乙收魂掃蕩鬼營恢彰道化上明

天信下救生靈

坐運云

凡遇祈禱芟穰役召萬

神如意感格庶使大道闡揚威風振厲

祈禳云

即便會合斗府上藥靈官功曹騎吏只今徑

下患身安鎮魂神蕩除邪氣升降水火保固

元陽務令諸證頓消截日平復庶使真風廣布

大道興行

常告云

即便會合斗府解厄靈官功

曹騎吏特與解除萬禍保合太和冀災害以
無侵俾官非而消殄四時迪吉五福攸同干
冒宸威臣下情無任激切屏營之至謹奏

次存見天母又將所奏心章詳視却於心
章誓符上書一允字敕付使者報應施行

卷三

十四

師即拜謝畢從元路出存見使者領諸雷
神自後隨我來聽命元神立於珠口中入
自頂門降落丹田復歸偃月爐促九脉之
炁然後下座如禳告則於存天母詳章允
章所奏時念心呪七徧內占內外動靜吉

凶然後禮謝仍詣應靈宮認本命斗宮却
亦依前式口奏祈恩施行至如急告等事
只告天母足矣蓋天母乃北斗之母母行
子安有不允從者也事畢即叩頭禮謝再
三然後宣召使者祈禱則行符擻役發報
應禳告則行符水役發治病此法未有不
應者至簡而捷惟在至誠報應可必非如
他法之錯綜難行者之可比也



